

# Tulafono o le filifiliga e fa'amuta ai le soifua

O le tulafono o le filifiliga e fa'amuta ai le soifua, ua mae'a ona fa'atulafonoina e mafai ona lē fa'aaogaina pe taofia le fa'atinoina o lenei tulafono pe a to'atele tagatanuu o Niu Sila e palota i le pelepesite (referendum) e aua nei faaaogaina lenei tulafono. O lenei tulafono o le a mafai ai ona fasiotia tagata e maaleale (vulnerable) o latou soifua ona e le o lava

puipuiga ma mafuaaga o tu'uina mai, e ui ina tele le finau mai a latou o lo'o lagolagoina lea tulafono. I le va'aiga a tagata Pasefika, o le tulafono lenei o le a tu'uina ai le malosiaga ma le pule ua na o le 'Atua' e i ai e aveese pe fa'amuta ai le ola ma soifua o tagata. O nisi nei o vaega tāua e tatau ona iloilo ma silasila toto'a i ai:

## 1) O le agava'a o le tagata e fa'amuta ai se soifua, o se ta'alogā taumatemate.

O agava'a ma mafua'aga (eligibility criteria) o tu'uina mai i tulafono e fai ma ta'iala i ali'i ma tama'ita'i foma'i e fa'amuta ai le soifua, o ta'iala sa faia e le au polokiki poo sui faipule ma loia ae le'i faia e foma'i, o latou nei o le a fa'atinoina le fa'amutaina o le soifua o le tagata.

- E faigata i foma'i ona vavalalo pe iloa le taimi e oti ai le tagata. O le filifiliga pe toe fia le umi o le soifua ai le tagata (6 masina pe laititi) ua na o se taumatematega. E tusa ai ma su'esu'ega fa'a-saienisi, o lo'o atagia mai ai e 25% o le taimi e sesē ai valoaga (predictions) i le umi o se taimi o totoe e ola ma soifua ai se tagata.
- O le 15% o le taimi e sesē ai foma'i iā latou su'esu'ega i mafua'aga o gasegase o tagata.
- E lē tatau i se foma'i ona lē taliaina pe lē talitonuina se tagata ma'i ae oi mai i le tigā ua lē gafatia ona mafatiaga; auā o mafatiaga e a'afia ai ma mafatiaga o le mafaufau. O lona uiga o tagata e lē o lagona le tiga o le tino ae na o mafatiaga o le mafaufau o le a agava'a e fa'amuta o latou soifua i lalo o le tulafono.

## 2) O lenei tulafono, o le a tu'uina ai foma'i i se tulaga fa'afaigata ai ona tauave o latou tiute e pei ona masani ai.

- O lo'o atagia mai le tulafono le mana'omiaga i foma'i ia mautinoa e le o fa'atauanauina po'o fa'amalosia se tagata mai le 'ioeina' e fa'amuta lona soifua, ae o le tele o nei mataupu e le silafia, pe masani, pe iloa lelei fo'i e foma'i tagata nei. E matuā le lava le puipuiga o tu'uina mai lalo o le tulafono e fa'amautinoa ai le leai o i uiga fa'atauanau po'o fa'amalosia ai manatu ma finagalo o tagata.
- E le mafai ona talanoa foma'i i le aiga o le tagata gasegase vaganā ua malie i ai le tagata gasegase. O le lape o le tele o mataupu o lo'o aafia ai le sauāina o se gasegase po'o ni uiga sauā i tagata gasegase i le tele o taimi o mataupu faapena e le mana'o le tagata gasegase e talanoa foma'i i ō latou aiga. O lona uiga a mana'o lava le tagata gasegase e fa'amuta lona soifua e aunoa ma le iloa e lona aiga ma uo mamae e mafai i lalo o le tulafono.
- E tatau i foma'i ona talanoa ma isi foma'i e masani ona alu i ai lea gasegase, ae peitai o foma'i fo'i nei e ui e masani ona

alu i ai le gasegase e laititi pe leai fo'i se silafia i le si'osi'omaga po'o le loto-i-fale o le tagata gasegase, i uiga sauā ma uiga pule fa'amalosia e totonu o aiga.

## 3) E laititi le taimi o tu'uina mai i totonu o le tulafono e manatunatu ai le gasegase i le faiga o se fa'aiuga pe lava foi se taimi o tu'uina mai e ono taofia ai le fa'atinoina o se fa'aiuga na fai e le tagata gasegase.

- E ono malie se gasegase i totonu o le 3 i le 4 aso pe afai e faamaonia e foma'i.
- E laititi lava se avanoa mai le taimi o le fa'aiuga e fa'amuta le soifua mai le taimi e fa'atinoina ai.

## 4) E lē tatau pe talafeagai i foma'i ona fa'amalosia le fa'amutaina o se ola, ae e mafai e se tagata lautele.

E lē o se solitulafono i lalo o lenei tulafono le fa'atalanoa o le tagata gasegase e se isi tagata e uiga i le fa'amutaina o lona soifua e auala atu i tui/vai. O lona uiga e tasi i le sefulu tagata matutua i Niu Sila o lo'o i lalo o ni va'aiga poo ni tulaga fa'asauāina mai o latou aiga o le a matua'i lamatia lo latou soifua i lenei tulafono.

## 5) E tele galuega fitā ma faigatā e tauanau pe fa'amalosia ai le tagata ina ia tumau pea le ola nai lo'o le oti. A fa'apu'upu'u, e faigata pe a ola ae faigofie pe a oti.

I lalo o le tulafono, e leai se foma'i e solitulafono pe a fesoasoani e fa'amuta se soifua; vaganā ua lē usita'ia e se foma'i ni vaega o le tulafono.

## 6) O lenei tulafono o le a lamatia ai le ola ma le soifua o tagata ma'aleale (vulnerable).

E le o mafai e lenei tulafono ona lisiina mai ni ta'iala po'o ni puipuiga aga'i i se malie sesē. So'o se gasegase tigaina lava ua atoa le ono masina, ua i ai i se tulaga lamatia e mafai ai ona vave o'o i ai le malie ona o le sesē o ni fa'aiuga po'o ni valoaga foi i le umi e ola ai le tagata, o le sesē o se fa'amaoniga o se gasegase ua maua ai se tagata ma le fa'atauanauina po'o le fa'amalosiaina mai e nisi o aiga e leo i ai ni lagona alofa i o latou tagata ia o lo'o gasegase.

